

楊礪夢來和天尊宋史

楊礪字汝礪廣順中周世宗節制澶州礪誓文見之館接數日世宗入朝礪處僧舍夢古衣冠者曰汝能從乎礪隨往觀官衛若非人間殿上王者秉珪南向總三十餘礪升謁之最上者前有案置簿錄人姓名礪見己名居首因請示休咎王者曰我非汝師指一人曰此來和天尊異日汝主也當問之其人笑曰此去四十年汝功成予名亦顯矣礪再拜寤而志之礪初名勵以藉作礪遂改之至是受命謁見藩府歸謂子曰吾今見襄王儀貌即所夢來和天尊也遷水部郎中真宗尹開封礪為推官嘗問礪何羊及第礪唯唯不對後知其唱名第一自悔失問謂礪不以科名自伐甚重之及卒帝冒雨臨其喪礪舍委巷中乘輿不能進步至其第嗟憫久之廢朝贈兵部尚書中使護葬

太祖文悅互夢宋史

辛文悅以五經教授宋太祖幼時從其肄業周世宗顯德中太祖歷禁衛為殿前都點檢節制方面文悅久不獲接見一日夢邀車駕請見既拜乃太祖也太祖亦夢其來謁因令左右尋訪文悅果自至太祖異之

世宗遵誨夢蛇化龍宋史

太祖微時客居至漢東依董宗本而遵誨憑藉父勢太祖每避之遵誨嘗謂太祖曰每見城上紫雲如蓋又夢登高臺遇黑蛇約長百尺餘必化龍飛騰東止去雷電隨之是何祥也太祖皆不對他日論及戰事遵誨理多屈拂衣而起太祖乃辭宗本去自是紫雲漸散及即位一日便殿召見遵誨伏地請死帝令左右扶起因諭之曰卿尚記往日紫雲及龍化之夢乎遵誨再拜

呼萬歲

王處訥夢納星鑑 宋史

王處訥少時亡父老叟至舍煮洛河石如麵令處訥食之且曰汝性聰悟後當為人師又嘗夢人持巨鑑星宿燦然滿中剖腹納之覺而汗洽月餘心宵猶覺痛因留意星曆占候之學深究其旨宋太祖建隆二年以欽天曆謬誤詔處訥別造新曆遷少府少監

李至母夢仙授圖 宋史

李至字言幾母張氏嘗夢八仙人自天降授字圖使吞之及寤猶若有物在胸中未幾生至及長辭華典瞻宋太宗太平興國八年轉為翰林學士

臧丙夢父指星 宋史

臧丙字夢壽丙舊名愚字仲回既孤常夢其父召丙偶立於庭向空指曰老人星見矣丙仰視之黃明潤大因望而拜既寤私喜曰吉祥也丙壽星出丙入丁乃改名馬後太宗時為司農少卿拜諫議大夫出知江陵府

凌策夢六印 宋史

凌策字子奇上宗雍熙中舉進士起家尋拜諫議大夫集賢殿學士初登第策又以六印加劔上遺之其後徃劔外凡六任特以為異策勤職處事精審所至有治迹

錢惟治夢神補缺 宋史

錢惟治初鎮西一明嘗夢神人披甲自稱西嶽神謂惟治曰公面有缺文即捧一萍之後領華州節鉞二十年宋太宗時進位檢校太尉

趙自然因夢辟穀宋史

趙自然家荻洪等以鬻茗為業本名王九始十三疾甚父抱詣
青華觀許為道士後夢一人狀貌魁偉綸巾素袍鬚髮斑白自
云姓陰引之登高山謂曰汝有道氣吾將教汝辟穀之法乃出
言相枝令嚼齋而食之及覺遂不食神氣清爽每聞火食氣即
嘔惟生果清醴而已歲餘復夢向見老人教以篆書數百字寤
悉能記焉以示人皆不能識或云此非篆也乃道家符籙耳嘗
為元道歌言修兩之要知州王洞表其事太宗召赴闕親問之
賜道士服改名自然

薛母夢月宋史

朱真宗皇后劉氏初后母龐氏夢月入懷已而有娠遂為后后
在襁褓而孤鞠於外氏善播穀蜀人龔美携入京師后立

入襄邸置之王宮真宗後立為皇后

宋真宗夢菜得蔡齊事文類聚

蔡齊字子思宋真宗時人也帝臨軒策士夜夢殿下有菜一苗
甚盛與殿基相高及折第卷乃蔡齊

寇斌母夢珠宋史

寇斌字次公初母夢神人授珠吞之有娠生而眉目美秀擢進
士第真宗天禧中為河北轉運使

黃亢母夢星宋史

黃亢字清臣母夢星殞于懷搦而吞之遂有娠亢少奇穎過人
年十五以文謁翰林學士章得象得象奇之宋真宗時王隨知
杭州亢作詩以諷隨

章母夢積笏宋史

章得象字希言世居泉州高祖仔鈞事閩為建州刺史遂家浦
城得象母方娠夢登山遇神人授以玉像及生父負復夢家庭
積笏如山長而好學美姿表為人莊重進士及第為大理評事
知玉山縣遷本寺丞真宗將東封泰山以殿中丞簽書兗州觀
察判官事知台州歷南雄州徙洪州楊億以為有公輔器薦之

查道夢神致爵宋史

查道字湛然好學嗜弈甚深信內典平居多茹蔬或止一食默
坐終日服玩極於卑儉嘗夢神人謂曰汝位至正郎真宗時果
加刑部郎中進右司郎中壽五十七而高年六十四論者以為
積善所延也

真宗因夢建廟宋史

王欽若字寧國仕宋以尚書左丞知樞密院事修國史大中祥

符初為封禪經度制置使兼判兗州為工書儀衛副使先是真
宗嘗夢神人言賜天書於泰山即密諭欽若欽若因言六月甲
午木工董祚於醴泉亭北見黃素曳草上有字不能識皇城吏
王居正見其上有御名以告欽若既得之具威儀奉導至社首
跪授中使馳捧以進真宗至含芳園奉迎出所上天書再降祥
瑞圖示白僚欽若又言至嶽下兩夢神人願增建廟庭及至威
雄將軍廟其神像如夢中所見因請構真廟中

梅詢夢遇夷簡宋史

梅詢字昌言性卞急好進而侈於奉養至老不衰然數為朝廷
言兵嘗知濠州後坐薦舉未能貶懷州團練副使真宗時在濠
州夢人告曰呂丞相至矣既而呂夷簡通判州事故待之甚厚
其後援詢於廢斥中以貴顯夷簡力也

宋庠母夢道士授書宋史

宋庠字公序父杞嘗為九江掾與其妻鍾禱于廬阜鍾夢道士授以書曰以遺爾子視之小戴禮也已而庠生他日見許真君像即夢中見者庠仁宗天聖初擢進士第一

沆母徵夢宋史

劉沆字冲之祖景洪始揚行密得江西衙將彭玕據州自稱太守屬景洪以兵欲脇衆附湖南景洪偽許之復以州歸行密退居不仕以財雄里中喜賓客景洪嘗告人曰我不從彭玕幾活萬人後世當有隆者因名所居北山曰後隆山山有牛僧孺讀書堂即故基築臺曰聰明臺沆母夢衣冠丈夫曰牛相公來已而有娠乃生沆及長倜儻任氣舉進士不中自稱退士不復出父力勉之宋仁宗天聖八年擢進士第二

劉沆夢斫頭為狀元事文類聚

相國劉沆宋仁宗天聖中赴省試一夕夢被人斫落頭心甚惡之有鄉人釋之曰狀元不到十二郎做只得第二人公詰之曰斫却頭留項在裏蓋南音呼沆為項也後果第二人及第

李迪夢剃鬚為狀元事文類聚

李文定公迪美鬚髯宋仁宗時御試前一日夢被人剃削俱盡心惡之有解者曰必為狀元緣今歲省元是劉滋已替滋矣非狀元而何是歲果狀元及第

楊大年夢玉人添壽事文類聚

楊大年宋仁宗時年三十七為翰林學士晝寢於玉堂忽夢懷玉山人來謁出一牒寫三十七字大年驚曰得非數乎許添乎山人命筆一點為四十七字至其數果卒

楊寔致友人作夢宋史

楊寔字審賢少有雋才仁宗慶曆二年舉進士京師試國子監禮部皆第一既試崇政殿帝臨軒啓封見名喜動于色謂輔臣曰楊寔也遂擢第一公卿相賀為得人授將作監丞通判潁州未至官持母喪病羸卒特詔賻恤其家先是其友夢寔作龍首山人寔自謂龍首我名冠多士山人無祿位之稱我其終是乎已而果然

李氏夢墮月生純仁宋史

范純仁字堯夫其始生之夕母李氏夢兒墮月中承以衣裾得之遂生純仁性資警悟八歲能講所授書宋仁宗皇祐元年中進士第

韓氏感夢生富弼宋史

富弼字彥國初母韓有娠夢旌旗鶴鴈降其庭云有天赦已而生弼少篤學有大度范仲淹見而奇之曰王佐才也以其文示王曾晏殊殊妻以女宋仁宗時舉茂才異等授將作監丞

馮母夢得董花宋史

馮元字宗道進士中第授江陰尉累遷翰林學士史館修撰仁宗時卒贈尚書謚章靖元七歲時方讀易母夜夢異人以紺蓮花與元吞之且曰善讀此後必貴顯元且老率三日一誦易無子以兄之子諱為後

余靖夢死秦亭宋史

余靖舉進士擢集賢校理仁宗嘉祐中官至工部尚書嘗夢神人告以所終官而死秦亭故靖常畏西行及卒則江寧府秦淮亭也

張洞夢兆宋史

張洞字仲通英宗時移淮南轉運使轉工部郎中在棣時夢人稱敕召者既出如拜官然顧視旌旗吏卒羅于庭至是夢之如初自以年不能永教諸子部分家事未幾卒

滕母夢虎生元發宋史

滕元發初名甫字元發以避高魯王諱改字為名而字達道將生之夕母夢虎行月中墮其室性豪雋慷慨不拘小節九歲能賦詩范仲淹見而竒之英宗時舉進士後仕至龍圖學士

郭祥正母夢李白宋史

郭祥正字功父母夢李白而生少有詩聲梅堯臣方檀名一時見而歎曰天才如此真李白後身也神宗熙寧間中進士第

范母夢鄧禹生祖禹宋史

范祖禹字淳甫一字夢得其生也母夢一偉丈夫被金甲入寢室曰吾漢將軍鄧禹既寤猶見之遂以為名宋神宗時司馬光薦為秘書省正字

趙槩因夢更名宋史

趙槩初名裡嘗夢神人金書名簿有趙槩遂更名云官至吏部尚書宋神宗時以太子少師致仕

執中夢神人宋史

喬執中字希聖調須城主簿神宗時累遷給事中寬厚有仁心屢典刑獄雪活以百數紹聖中夢神人界以騎都尉詰旦為客言之少焉談笑而逝

伯虎夢收父書宋史

唐庚兄弟五人長兄瞻字望之後改名伯虎字長孺治易春秋

皆有家法哲宗元祐三年其父游瀘南伯虎兄弟居母喪於丹
山伯虎夜半蹴庚曰吾夢收父書發之得亟來二字吾父得無
他乎吾心動矣汝奉母奠朝夕吾趨瀘南庚未及應伯虎奮曰
吾決矣起裹糧黎明走洪川僦舟遇江漲聲搖數十里客舟皆
艤岸不敢動伯虎彷徨堤上有漁者持小艇繫港中啗以厚利
不許伯虎趨入艇中叱僕夫解維漁者不得已從之二日半至
瀘南父果病甚見伯虎大驚問其故具告之父嘆曰天告汝也
是日疾少間伯虎具舟侍父以歸居數日疾復作遂卒

吳仲庶夢石事文類聚

吳仲庶作守金陵有三大石甚古時夜仲庶夢三舉子求哀且
曰若不垂祐明日當為煨燼矣公甚異之詰旦徧問僚屬莫能
原其意既而視其牒見兵馬司狀申乞燒三醜石為灰供修造

之用公遂悟敕寺僧愛護宋哲宗元祐中毛漸作漕欲移置廨
舍掘之極深而石根不斷不能動遂罷

洪興祖夢六刀宋史

洪興祖高宗時知饒州先夢持六刀覺曰三刀為益今倍之其
饒乎已而果然

蕭燧夢松栢宋史

蕭燧字照鄰高祖固皇祐初為廣西轉運使知儂智高凶狡條
上羈縻之策於樞府不采用智高後果叛父增紹興初嘗應制
舉燧生而穎異幼能屬文宋高宗紹興十八年擢進士高第授
平江府觀察推官燧未第時夢神人示以文書記其一聯云如
火烈烈玉石俱焚在冬青青松栢不改已而果符前事宋孝宗
時遷國子司業

汝愚夢授湯鼎宋史

趙汝愚以大學士提舉洞霄宮初嘗夢孝宗授以湯鼎背負白龍升天後翼寧宗以素服登大寶蓋其驗也而讒者以倡引偽徒謀為不軌乘龍授鼎假夢為符為言時汪義端行詞用漢誅劉屈氂唐戮李林甫事示欲殺之意迫功郎趙師召亦上書乞斬汝愚汝愚怡然就道謂諸子曰觀侂冑之意必欲殺我我死汝曹尚可免也至衡州病作為守臣錢登所窘暴薨天下聞而寃之

鄭惠叔夢石事文類聚

莆田鄭矯惠叔宋孝宗乾道己丑春省試中選未廷對夢空中一梯雲氣圍繞竊自念曰世所謂雲梯者茲其是歟俄身至雲梯側遂登之及高層仰視則有大石蒼然如鏡面鄭懼壓已忽

冉冉升騰立于石上驚覺自喜但不曉登石之義既而為天下第一其次曰溫陵石起宗先是考官用分数編排石君當居上臨唱名始易之云

范父夢雙日照庭宋史

范應鈴字旂叟方娠大父夢雙日照庭應鈴生稍長厲志于學丞相周必大見其文嘉賞之寧宗開禧中舉進士調永新尉仕至直寶謨閣湖南轉運判官兼安撫司

江萬里兆夢宋史

江萬里字子遠自其父燁始業儒大父璘鄉耨善人其鄰史知縣者夸其能杖譁健士璘俛首不答歸語燁曰史祖父故寒士今居官以杖士人自恚於我心有不釋然審爾史氏且不昌汝其戒之是夕燁妻陳夢一貴人入其家曰以汝家長有善言故

來已而有娠生萬里少神雋有鋒穎連舉于鄉入太學有文聲
宋理宗時拜端明殿學士兼樞密院事兼太子賓客

承祐夢贈著草宋史

孫承祐少時嘗夢人以著草一本增其一而授之既寤以語所
親曰大衍之數五十其用四十有九今增其一我壽止於此乎
果五十而卒

竇禹夢祖父戒言修德有報事文類聚

竇禹鈞家甚豐年三十無子夜夢亡祖亡父聚謂之曰汝早修
行緣汝無子又壽數不永禹鈞唯諾後十年復夢其祖父告之
曰汝自數年以來名掛天曹陰府以汝有陰德延筭三紀賜五
子各榮顯

尹思貞得夢而卒事文類聚

尹思貞字季弱明春秋遷西門助教撰諸經義樞續史記皆未
就夢天宮麟臺交辟寤而會親族叙訣二日卒

杜鵬舉夢鳥旁曳脚事文類聚

杜鴻漸之父名鵬舉父子而似兄弟之名蓋有由也鵬舉嘗夢
有所之見一大碑云是宰相碑已作者金填其字未者刊名於
柱上因問有杜家兒否曰有任自看之記得柱下有鳥偏旁曳
脚而忘其字乃名子為鴻漸而謂之曰汝不為相即汝之名字
當鳥旁而曳脚也名字且前定况官與壽乎

邊錫夢靈運託為子事文類聚

宋邊錫初生父忽夢前永嘉守謝靈運來謁願託君為父子錫
生親類夢中若小字康樂及冠穎秀嗣主累用之平建州克湘
潭號為邊羅漢

之亨夢魚來謝事文類聚

梁南郡太守劉之亨嘗夢一人姓李詣之乞命未之解也其明日仲夏有遺生鯉二頭之亨曰必夢中所感也乃放之其夜又夢來謝云當令君延筭

魯公放蛤來謝事文類聚

曾魯公好放生以蜺蛤之類人所不放而活命之多也一日夢被甲者數百人前訴既寤而問其家乃有惠蛤蚶數籠者即遣人放之夜復夢被甲者來謝

張詠夢坐黃兼濟下事文類聚

張忠定公詠在成都府嘗夜夢謁紫府真君接語未久忽報請到西門黃兼濟承事以幅巾道服而趨真君降階接之禮頗隆盡且揖張公坐承事之下詢顧詳疑似有欽嘆之意公翌旦

即遣典客詣西門請黃承事者戒令具常所衣服來比至果如夢中所見公即以所夢告之問平日有何陰德蒙真君厚遇如此且居某之上座耶兼濟云無他長惟每歲遇禾熟時以錢三萬緡收糶至明年禾熟小民艱食之際價直不增升斗亦無高下在我者初無所損而小民得濟所急公曰此承事所以坐某之上也令素公裳二吏掖之使端受四拜黃公後裔蕃衍至今在仕路者比比青紫

崔悅放鼈事文類聚

崔悅尚書家方會客夜夢十九人着青綠羅衣拜告求生既寤見器中有水泛鼈正十九頭遂詣水次放之

陶穀鬼眼事文類聚

陶穀少時夢數吏奉符換眼吏附耳曰求錢千萬穀不應又云

錢伍萬安第二眼復不答吏曰止安第三眼即以彈丸納眼中
既覺眼色深碧後善相道士陳子陽曰貴人骨氣柰一雙鬼眼
必不至顯位

髑髏見夢事六類聚

陳留周氏婢名興進入山取樵夢見一女語之曰近在汝頭前
目中有刺煩拔之當有後報牀頭果有一朽棺頭穿壞髑髏墮
地草生目中便為拔草內着棺中以履塞穿即於髑髏處得一
雙金指環

張審通夢生三耳事文類聚

兗州張審通嘗為泰山府君所召令為詞判錄申天曹天曹允
之府君悅與審通額上安一耳既寤覺額癢果生一耳尤更聰
俊時號三耳秀才

柳慎生耳事文類聚

方陰官以事懇上元夫人而不允聞陽世有士人柳慎善為文
遂追令為表既而獲命陰官喜曰子何願曰特更欲聰明耳乃
命取一耳置其額既寤額輒擡出一耳時人語曰天上有九
頭鳥地下有三耳秀才

殷延嗣夢朱揆及第事文類聚

孝廉朱揆居永嘉苦學與表弟殷延嗣同宿殷夢一人直抵房
謂曰朱揆某年某月某日杜侍郎下成名覺而說之朱曰何戲
言之甚邪殷遂將朱禮經疏後紀之至來年西上後果於杜侍
郎下及第年月日略不參差

克羽夢鳥元史

字永魯字子翬金泰和間定女直姓氏屬望廣平祖德從憲

宗南征因家鄧之順陽以功封南陽郡侯父居謙用翀貴封南陽郡公初居謙辟掾江西以家自隨生翀贛江舟中釜鳴者三人以為異翀稍長即勤學父歿家事漸落翀不恤而為學益力乃自順陽復往江西從新喻蕭克翁學克翁榮叅政燧之四世孫也隱居不仕學行為州里所敬嘗夜夢大烏止其所居翼覆軒外舉家驚異出視之冲天而去明日翀至翀始名思温字伯和克翁為易今名字以夢故

劉因應夢馬而生元史

劉因字夢吉保定容城人世為儒家五世祖琮生敦武校尉臨洮府錄事判官昉昉生奉議大夫中山府錄事侯俱生秉善金貞祐中南徙其弟國寶登興定進士第終奉直大夫樞密院經歷秉善生述述因之父也歲壬辰述始北歸刻意問學邃性理

之說好長嘯元世祖中統初左三部尚書劉肅宣撫真定辟武邑令以疾辭歸年四十未有子嘆曰天果使我無子則已有子必令讀書因生之夕述夢神人馬載一兒至其家曰善養之既覺而生乃名曰駟字夢驥後改今名及字

黃潛母夢星而娠元史

黃潛字晉卿母童氏夢大星墜于懷乃有娠歷二十四月始生潛潛生而俊異比成童授以書詩不一月成誦迨長以文名於四方元仁宗延祐二年中進士第

酸齋母夢神授大星元史

小雲石海涯家世見其祖阿重海涯傳其父楚國忠惠公名貫只哥小雲石海涯遂以貫為氏復以酸齋自號母廉氏夜夢神人授以大星使吞之已而有妊及生神彩秀異既長膂力絕人

折節讀書目五行下元仁宗時拜翰林學士

馮母夢文昌元史

呂思誠字仲實母馮氏夢一丈夫烏巾白襪衫紅鞵束帶趨而揖曰我文昌星也及寤思誠生自有神光見者異之及長入國子學中元晉王泰定元年進士第

歸賜母夢日出元史

歸賜字彥溫汴梁人將生其母楊氏夢朝日出東山上有輕雲來掩之故名賜學無師傅而精敏過人文宗至順元年登進士第授同知潁州事鉏奸擊強人不敢以年少輕易之

黃澤夢聖元史

黃澤字楚望由篤學苦思嘗夢見夫子以為適然既而屢夢見之最後乃夢夫子手授所較六經字畫如新由是深有感發始

悟所解經多徇舊說為非是乃作思古吟十章極言聖人德容之盛上達於文王周公秩滿即歸閉門授徒以養親不復言仕元順帝至正六年卒

達禮道告夢而卒元史

達禮麻識理字遵道幼穎敏經史過目輒解元順帝時累遷至中書平章政事達禮麻識理之卒也先一夕怯薛官哈刺章者阿兒刺氏阿魯圖孫也夜夢太祖召見語之曰我以勤勞取天下以傳于妥歡帖睦爾而愛猷識理達臘不克肖似廢壞我家法苟不即改圖天命不可保矣爾吾功臣之後且誠實故召汝語汝明且亟以吾言告而主及愛猷識理達臘汝不以告吾即亟汝告而不改則吾它有處之達禮麻識理其人庶幾識事宜者然知而不言將焉用之吾其先殛之矣明日哈刺章入見順

帝具以夢告帝令以告皇太子比出則達禮麻識理已無疾而卒矣

符識

符合識語者

晉元牛繼馬後 晉書

晉宣帝司馬懿深忌牛氏遂為二榼共一口以貯酒焉帝先飲佳者而以毒酒鴆其將牛金以其先得玄石圖有牛繼馬後之說而恭王妃夏侯氏竟通小吏牛氏而生晉元帝亦有符云

李龍得玉版 晉書

後趙石季龍使人探策于華山得玉版文曰歲在申酉不絕如綫歲在壬子真人乃見及此無人咸以為慕容儁之應也

齊高帝備應符 識南史

齊高帝昇明二年冬延陵縣季子廟沸井之北忽聞金石聲疑其異鑿深三尺得沸井奔涌若浪其地又響即復鑿之復得一井涌沸亦然井中得一木簡長一尺廣二分上有隱起字曰廬山道人張陵再拜詣闕起居簡大堅白字色乃黃瑯瑤應圖云浪井不鑿自成王者清靜則仙人主之會稽剡縣有山名刻石父老相傳云山雖名刻石而不知文字所在昇明末縣人兒罷祖行獵忽見石上有文字凡三處苔生其上字不可識乃去苔視之其大石文曰此齊者黃石公之化氣也立石文曰黃天星姓蕭字道成得賢師天下太平小石文曰刻石者誰曾稽南山李斯刻秦望之風也孝經鉤命決曰誰者起視名將以帝小字也河洛讖曰歷年七十水滅緒風雲俱起龍鱗舉又曰肅肅草成道德盡備按宋水德也義熙元年宋武帝王業之以始至齊受命

七十年又讖曰蕭為二士天下樂按二士主字也鄭文舉金雄
記曰當復有作肅入草易曰聖人作萬物觀當復有作言聖人
作也王子年歌曰欲知其姓草肅肅穀中最細低頭以孰鱗身甲
體永興福穀中精細者稻也稻即道也孰猶成也又歌曰金刀
利刃齊刈之金刀劉字刈猶剪也孔子河洛讖曰垣河梁塞龍
泉消除水災泄山川水即宋也宋氏為災害故曰水災梁亦水
也塢河梁則行路成矣路猶道也消除水災除宋水氏之災害
也河圖讖又曰上參南斗第一星下立宮屋為熟言神龍之岡
梧桐生鳳鳥戢翼朔旦鳴南斗吳分野草屋者居上蕭字象也
先是益州有山古老相傳曰齊后山昇明二年四月二十三日
有沙門玄暢者於此山立精舍其日上登尊位其日二十四日
滎陽郡人尹千於嵩山東南隅見天雨石墜地石開有玉像

其中璽方三寸文曰戊丁之人與道俱肅然入草應天符掃平
河洛清魏都又曰皇帝運興千奉璽諸州刺史並肅亦斧亦斧
以獻按宋武帝於嵩高山得玉璽三十二枚神人云此是宋卜
世之數三十二者三十三也宋自受命至禪齊凡六十年然則
帝之符應也若是今備之云

謠讖 謠言成讖者

取籊月期國語

晉獻公問於卜偃曰攻籊何月也對曰童謠有之曰丙之晨龍
尾伏辰均服振振取籊之旂鶉之奔奔天策焯焯火中成軍其
九月十月之交乎

郭偃知重耳之入國語

晉惠公即位出共世子而改葬之臭達於外國人諷之曰貞之無報也孰是人斯而有是臭也貞為不聽信為不試國斯無刑偷居倖生不更厥貞大命其傾威兮懷兮各聚爾有以待所歸兮猶兮違兮心之哀兮歲之二七其靡有徵兮若秋公子吾是之依也鎮撫國家為王妃也郭偃曰甚哉善之難也君改葬共君以為榮也而惡滋章夫人美於中必播於外而慈於民民實戴之惡亦如之故行不可不慎也必或知之十四年君之冢嗣其替乎其數告於民矣公子重耳其入乎其魄兆於民若入必伯諸侯以見天子其光耿於民矣數言之紀也魄意之術也光明之曜也紀言以序之述意以導之明曜以昭之不至何待欲先導者行乎將至矣

長安女子狂呼漢書

王莽時長安狂女子碧呼道中曰高皇帝大怒趣歸我國不者九月必殺汝莽收捕殺之

蜀中童謠後漢

公孫述光武時據蜀僭號廢銅錢鑄鐵錢述廢銅錢置鐵官錢百姓貨幣不行蜀中童謠言曰黃牛白腹五銖當復好事者竊言王莽稱黃述自號白五銖錢漢貨也言天下當并還劉氏

京師童謠後漢

桓帝末京師童謠曰茅田一項中有井四方纖纖不可整嚼復嚼今年尚可後年硤按易曰拔茅連茹茅喻群賢也井者法也時中常侍管霸等憎疾海內英賢並自廢銅茅田一項言群賢衆多也中有井者言雖厄窮不失法度也四方纖纖言姦惡不可理也嚼飲酒相強之辭也言不恤上政徒耽宴而已今年尚

可者言但禁錮也後羊祜者陳蕃竇武等誅天下大壞也

羊祜薦濟應識晉書

羊祜晉武帝時為征南大將軍得專辟召初祜以伐吳必藉上流之勢又吳有童謠曰阿童復阿童衝刀浮渡江不畏岸上獸但畏水中龍祜聞曰此必水軍有功也當思應其名者會祜知益州刺史王濬可任濬又小字阿童因表留濬監益州諸軍事加龍驤將軍密令脩舟楫為順流之計以後濬果建大功

賈氏謀危致謠晉書

晉惠帝元康中京洛童謠曰南風起於白沙遙望魯國何嵯峨十歲髑髏生齒牙又曰城東馬子莫能啣比至末年纏汝崇南風賈后字也自晉行也沙門太子小名也魯賈謚國也言賈后将與謚為亂以危太子而趙王因舉口一嚼豪賢以成篡奪不得

五馬渡江之應晉書

晉惠帝太安中王敦曰三馬浮渡江一馬化為龍後中原大亂示諸多記唯讀此書西馬尚頭彭城五王同過江而元帝嗣

王敦為大將

人入孔

淮泗遠及京

在外時當燒錢以助

價十書或有自云能行遠者價灼百姓日得五六萬億而

後已四一日漸靜

臺灣國家圖書館 NATIONAL CENTRAL LIBRARY, TAIWAN, R.O.C.

海西公生子成歌晉書

晉廢帝海西公初生皇子百姓歌云傲皇生一雛天下莫不喜
本言是馬駒今定成龍子其歌辭貴甚微海西公不男使左右
向龍與內侍生子以為己子

符堅釋堅殺魚遵晉書

秦主苻堅初生夢大魚食鰓又長安西曰東海大魚化為龍男
便為王女為公孫在何所洛門東東海符堅封也時為龍驤將
軍第在洛門之東符生不知是堅以夢之故誅其侍中太師
錄尚書事急遂廢其七子十孫時又西曰百里望空城鬱鬱何
青青鱗兒不知法仰不見天星於是秦心壞諸空城以壞之

鮮卑滅堅之應晉書

秦主符堅即偽位時童謡曰阿堅連軍三十年後若欲敗時當

在江湖邊及堅在位凡三十年敗於淝水是其應也又謠云河
水清復清符詔死新城及堅為姚萇所殺死於新城復謠云
魚羊田斗當滅秦識者以為魚羊鮮也田斗卑也其群臣諫堅
令盡誅鮮卑堅不從及敗還初為慕容冲所攻又為姚萇所殺
果驗

符堅授龍驤之徵晉書

秦主符堅將寇晉以姚萇為龍驤將軍督益梁州諸軍事謂萇
曰朕本以龍驤建業龍驤之號未曾假人今特以相授山南之
事一以委卿堅左將軍竇衝進曰王者無戲言此將不祥之徵
也惟陛下察之堅默然

范雲妻聞蹕聲南史

范雲字彥龍當齊高帝永明末梁武尚在布衣與兄懿卜居東

郊之外雲亦築室相依梁武每至雲所其妻常聞蹀聲又嘗與梁武同宿顧景尚之舍曷之妻方產有鬼在外曰此中有王有相雲起曰王當仰屬相以見歸因是盡心推事梁武

齊武時小兒恠戲南史

齊武帝立禪靈寺於都下當世以為壯觀天意若曰禪者禪也靈者神明之目言武帝晏駕而鼎業傾移也永明世市里小兒以鐵相擊於地謂之鬪鑿鑿之為言族也至是宗室族滅矣又武帝時以燕支為朱衣朝士皆服之及明帝以宗子入纂此又奪朱之效也時又多以生紗為帽半其裙而析之號曰倚勸先是人間語好云擾攘建武至是朝士勸進實為忽遽倚勸擾攘之言於是驗矣

梁武言及崔識南史

梁武帝嘗與范雲言及舊事云朕司州還在三橋宅門生王道牽衣云聞外述圖讖云齊祚不久別應有王者官應取富貴朕齋中坐讀書內感其言而外迹不得無怪欲呼人縛之道叩頭求哀乃不復敢言今道為羽林監文德主帥知管籥雲曰此乃天意令道發耳帝又云布衣時嘗夢拜兩舊妾為六宮有天下此媪已卒所拜非復其人恒以為恨

武帝錢識南史

初梁武帝末年都下用錢每百皆除其九謂為九佰竟而有侯景之亂及江陵將覆每百復除六文稱為六佰識者以為九者陽九六者百六蓋符歷數非人事也

侯景鹽識南史

侯景將敗有僧通道人者意性若狂飲酒啜肉不異凡等世間

游行已數十載姓名鄉里人莫能知初言隱伏久乃方驗人並呼為開梨景世信敬之景常於後堂與其徒共射時僧通在坐奪景弓射景陽山大呼云得奴已景後宴集其黨又召僧通僧通取肉搗鹽以進景問曰好不景答所恨大鹹僧通曰不鹹則爛及景死王僧辯截其二手送齊文宣傳首江陵果以鹽五斗置腹中送于建康暴之于市百姓爭取屠膾羹食皆盡并汝陽主亦預食例景焚骨揚灰曾躍其禍者乃以灰和酒飲之首至江陵梁元帝命梟於市三日然後煮而凍之以付武庫

後主伐木興謹南史

陳後主時令人於湘州採木擬造正寢棧至牛渚磯盡沒水中既而漁人見棧浮於海上起齊雲觀國人歌曰齊雲觀冠來無際畔始比齊末諸省官人多稱省主未幾而滅至是舉朝亦有

此稱識者以為省主將見省之兆

并州謠言北史

庶人楊諒隋文帝第五子封漢王陰有異圖并州謠言一張緯兩張緯客量少兒作天子時偽署官告身皆一緯別授則二緯諒聞謠喜曰我幼字阿客豈與諒同音吾於皇家最小以為應之

金陵解字識事文類聚

唐僖宗時黃巢將攻金陵人說之曰王母以攻也王名巢入金陵則鎖矣遂解去

字識 有字見成識言者

松昌谷有石青質白字釋氏通鑑

唐太宗貞觀十七年八月四日源州松昌鴻池谷忽有五石皆青質白文成字曰高皇海出多子李元王八十年太平天子李世民千年太子李治書燕山人士樂大國主仁邁千古五六七王七佛八菩薩及上果佛田天子等乃至為善源州奏丁朝群公擬字繁然明著十一月辛卯有事于南郊詔遣使以玉帛詣其谷祭之

靈見

死後精靈顯見者

夏侯夬精爽如生北史

夏侯夬魏宣武帝時歷鎮遠將軍南兗州大中正初夬與南人辛譙度遵江文遙等終日遊聚酣飲之際恒相謂曰人生局促何殊朝露坐上相看先後間耳脫有先亡者於良辰美景靈前

飲宴儻或有知庶共飲饗及夬亡後三月上巳諸人相率至夬靈前仍共酌飲時日晚天陰室中微闇咸見夬在坐衣服形容不異平昔時執盃酒似若獻酬但無語耳夬家客雜僧明心有畏恐披簾欲出便即僵仆狀若被毆夬從兄欣宗云今是節日諸人憶弟疇昔之言故來共飲僧明何罪而被噴責僧明便悟而欣宗鬼語如夬平生并怒家人皆得其罪又發陰私竊盜咸有次緒

長安宣政殿鬼遊 事文類聚

長安大明宮宣政殿每夜見數騎衣鮮麗遊其間唐高宗使巫祝劉明奴王湛然問其所由鬼云我是漢楚王戊太子死葬於此明奴等曰按漢書戊與七國反誅死無後焉得有子葬於此鬼曰我當時入朝以路遠不從坐後病死天子於此葬我漢書

自有遺誤耳明奴因許與之改葬鬼喜曰我昔日亦是近屬今在天子宮內出入不安改卜極為幸甚今在殿東北入地丈餘我死時天子斂我玉魚一雙今猶未朽必以此相送勿見奪也明奴以事奏聞有勅改葬苑外及發掘玉魚宛然是在以此其事遂絕

宗元見羅池唐書

柳宗元唐憲宗時為柳州刺史宗元既沒柳人懷之託言降于州之堂人有慢者輒死廟於羅池韓愈因碑以實之

陰助

偶有陰靈之助者

麋竺寄載緩火蜀書

麋竺祖世貨殖僮客萬人資產鉅億竺嘗從洛歸未達家數十

里路傍見一婦人從竺求寄我口可數里婦謝去謂竺曰我天使也往燒東海麋竺家感君見不可得不燒如此君可馳去我遽出財物日中而火大發

宜黃侯龍見致勝 田史

宜黃侯慧紀字元方武帝之從孫也涉獵書史陳後主禎明三年隋師濟江慧紀率將士三萬八船艦千餘乘沿江而下欲趣高城道南康太守呂肅將兵據一峽以五條鐵鎖橫江肅竭其私以克軍用隋將楊素奮兵手之四十餘戰爭馬鞍山及磨刀澗守險隋軍死者五千餘人人心盡取其鼻以求功賞既而隋軍盡獲從陳之士三縱之肅以道保延洲別帥廖世寵領大舫詐降欲燒隋艦更決死一戰以是有五黃龍備衆色各長十

餘文... 連接順流而東風浪八起雲霧晦冥陳人震駭不覺
火自焚... 軍乘高船張大弩以... 之陳軍大敗風浪應時頓息
肅收餘衆東走

穆崇隨狼走免難心史

魏道武... 出難遣穆崇還察八心崇留馬與從者微服入其
營會有... 為春妾所識賊皆... 馬起崇求從者不得因匿院中
徐乃... 宿於大澤有白... 向崇號崇覺悟馳隨狼奔遂
免難道武異之命崇立祀子孫... 奉焉

秦彥械自破符脫... 心書

秦彥本名立隸伍籍信字乾符... 以盜繫獄且死夢諱曰秦彥
而從我去寤而視械破因得亡命... 郎更名彥聚徒百人殺下邳
令取其贖入黃巢黨中既敗與... 勅降高駢累表和州刺史中

和初宣欽觀察使竇滔病彥... 代之

温琪數獲不死... 史

温琪身長七尺少從黃巢為... 巢敗温琪走滑州顧其狀貌
魁偉懼不自... 乃投白馬河流... 十里不死河上人援而出之
又自經... 桑輒枝折乃... 縣有田父見之曰子狀貌堂
堂非... 人也乃匿于其家後事... 累有戰功附晉累官至左驍
衛上將軍

李克用禱馬五代史

李克用唐昭宗大順二年拜河... 節度使隴西郡王加檢校太
師兼中書令... 王鎔于鎮州... 山西以十餘騎渡滹沱覘敵
過大雨平地水深數尺鎮人... 克用匿林中禱其馬曰吾世
有太原者... 不類馬偶不嘶以... 一

全漢漂舟泊岸

耿全斌父全漢順軍校全斌少壯其偉顯携謁陳搏搏謂有藩侯相類成西蜀全斌往省乘舟游一夜大風失纜漂七十里至曙風未止舟忽泊岸人頗異之太乙即位補東班承旨

陶弼見溪龍闕末

陶弼字商翁少儼儒放宕吳中仁山間有雙鯉戲溪水上矜觀之傳一老父顧曰此龍也行且君宜亟去去百步許雷大震而兩岸地木拔又出大雲合卒風暴怒二十七艘同時溺獨獨舟濟人以是異之宋仁宗官至東上閣門使

李顯忠立誓

李顯忠初名世輔南歸未賜名忠由唐以來世韻蘇尾九族巡檢初其母當產數日不能免六僧過門曰所孕乃奇男子當

以觸矢寘母旁即生已而宋生顯忠立於蓐咸異之

楚鼎漂海遇船元史

楚鼎元世祖時始受符印十八年東征日本鼎率千餘人從左丞范文虎渡海大風忽至舟壞鼎挾破舟板漂流二晝夜至一山會文虎船因得達高麗之金州合浦海屯駐散兵亦漂泛來集遂領之以歸

感物 以人偶感於物有異者

孫堅因馬還營得救事文類聚

孫堅討董卓失利被創墮馬卧草中軍眾分散馬還營嗚呼軍人隨馬向草中乃得堅扶還營

陸士衡黃耳致書晉書

陸機字士衡吳王晏出鎮淮南以機為郎中令晉惠帝時趙王倫輔政以機為相國參軍倫將篡位以機為中書郎倫誅齊王問疑機與謀遂收機吳王晏救理之遇赦而止初機有駿犬名曰黃耳甚愛之既而羈寓京師久無家問笑語犬曰我家絕無書信汝能齎書取消息不犬搖尾作聲機乃為書以竹筒盛之而繫其頸犬尋路南走遂至其家得報還洛其後因以為常

楊生犬數救死事文類聚

晉廢帝太和中楊生養狗甚愛之後生飲酒行大澤草中眠時冬月野火起風又猛狗號喚生不覺前有一坑水狗便走往水中還以身洒生左右草沾水得着地火尋過去生醒方見他日又聞行墮下空井中狗呻吟徹曉有人過怪之往視見生曰君可出我當厚報君人曰以此狗相與便當相出生曰此狗曾

活我於已死不得相與餘即無惜人曰若爾便不相出狗因下頭向井生知其意乃語路人以狗相與人乃出之繫狗而去後五日狗夜走歸

慕容廆因馬止難晉書

撫王慕容廆有駿馬曰赭白有奇相逸力石季龍之伐棘城也虢將出避難欲乘之馬悲鳴躡齧人莫能近虢曰此馬兒異先朝孤常仗之濟難今不欲者蓋先君之意乎乃止季龍尋退虢益奇之至是四十九歲矣而駿逸不虧子儁比之於鮑氏驄命鑄銅以圖其象親為銘贊備勒其傍置之薊城東掖門是歲象成而馬死

昌寓養鵠南史

謝昌寓齊高帝時為劉悛廣州參軍孝性甚至嘗養一鵠昌寓

病二旬而鵠二旬不食昌禹亡而鵠遂飛去

何胤鹿鶴來馴南史

何胤字子季梁武帝詔為侍進光祿大夫不就胤常禁殺有虞人逐鹿鹿徑來趨胤伏而不動又有異鳥如鶴紅色集講堂馴狎如家禽

張彪犬黃蒼獸主南史

張彪為東揚州刺史并給鼓吹書夜樂聲不息刻令王懷之不從彪自征之留長史謝岐居守時陳文帝已據震澤將及會稽彪乃遣沈泰吳寶真還州助岐保城彪後至泰等反與岐迎陳文帝入城彪因其未定踰城而入陳文帝遂走出彪復城守沈泰說陳文帝曰彪部曲家口並在香嚴寺可往收取遂往盡獲之張彪將申進密與泰相知因又叛彪復敗走不敢還會稽

據城之西山樓子及暗得與弟崑崙妻楊氏去猶左右數人追隨彪疑之皆發遣唯常所養一犬名黃蒼在彪前後未曾捨離乃還入若邪山中沈泰說文帝遣章昭達領千兵重購之并圖其妻彪眠未覺黃蒼警吠劫來便嚙一人中喉即死彪拔刀逐之映火識之曰何忍舉惡鄉須我者但可取頭誓不生見呼妻與訣曰生死從此而別若見沈泰申進等為語曰功名未立猶望鬼道相逢却不能生得遂殺彪并弟致二首於昭達黃蒼號叫彪屍側宛轉血中有若衰狀陳文帝遣章昭達進軍迎彪妻便拜稱文帝教迎為家主彪妻楊便改啼為笑欣然意悅請昭達殯彪喪墳冢既畢黃蒼又俯伏冢間號叫不肯離而妻楊氏即割髮毀面慟絕誓不行投於井文帝遣軍人出之垂死以火燎濕復投火死

洪進齋前集鶴宋史

陳洪進泉州人後晉出帝開運元年漳州殺程贊迎延政從子繼成為刺史延政遂遣洪進歸泉州三年延政入江南洪進在泉州日方晝有蒼鶴翔集內齋前引吭向洪進洪進視之有魚鯁其喉即以手採取之魚猶活鶴馴擾齋中數日而後去人皆異之

狗報主咋奴頭事文類聚

會稽勾章民張然滯役在都經年不得歸家有少婦遂與奴私適然在都養一狗甚快名烏龍後假歸奴與婦謀欲得殺然然及妻作飯食共坐下食未得嗽奴當戶倚張弓括箭拔刀然以盤中肉飯與狗狗不取唯注睛舐脣視奴然亦覺之奴催食轉急然決計拍髀大喚曰烏龍狗應聲傷奴奴失刀仗倒地狗咋

奴頭然因取刀斬奴以婦付官殺之

鵝聽講經事文類聚

淨影寺沙門慧遠講經初在鄉養一鵝常隨遠聽經及遠入京留在寺晝夜鳴噪不止僧徒送入京至此寺大門放之自然知遠房便入馴狎每聞講鐘即入堂伏聽若聞泛說他事則鳴翔而出如是六年忽哀叫庭宇不肯入堂二旬而遠卒寺內有遠碑亦述其事

怪誕 怪異妄誕者

子楊聚衆 晉書

晉成帝咸康中石季龍據襄國為趙天王時趙境內有安定人侯子光弱冠美姿儀自稱佛太子從大秦國來當王小秦國易

姓名為李子楊游于鄆縣爰赤眉家頗見其妖狀事微有驗赤眉信敬之妻以二女轉相扇惑京兆樊經竺龍嚴謹謝樂子等聚眾數千人於杜南山子楊稱大黃帝建元曰龍興赤眉與經為左右丞相龍謀為左右大司馬樂子為大將軍鎮西石廣擊斬之子楊頌無血十餘日而面色無異於生

梁武時張棖之謠南史

梁武帝天監十三年六月都下訛言有棖棖取人肝肺及血以飴天狗百姓大懼二旬而止

精爽

有精靈英爽駭人者

荀偃視不可含左傳

魯襄公十九年晉侯伐齊先歸魯襄公享於其鄉于蒲圃而荀

偃瘡疽生瘍於頭濟河及著雍病目出大夫先歸者皆反士匄請見弗內請後曰鄭甥可一月甲寅卒而視不可含宣子盥而撫之曰事吳敢不如事主猶視藥懷子曰其為未卒事於齊故也乎乃復撫之曰主苟終所不嗣事于齊者有如河乃瞑受含宣子出曰吾淺之為丈夫也

李瞻剝腹言咲自若南史

梁簡文帝時李瞻起兵為賊所執送詣建鄴侯景先出之市中斷其手足刻析心腹破出肝腸瞻正色整容言咲自若見其膽如升焉

慕容恃德停柩易馬北史

盧潛雅性貞固齊文宣時除揚州刺史領行臺尚書祖珽常要潛陷仁州刺史劉逖許以高位潛曰如此事吾不為也行臺

容恃德常所推重有疾謂其子曰盧尚書教我為人有如昆弟
我死特上驛馬與之其子以他馬往恃德柩出門自停不可動
巫祝以為恃德聲怒曰何不與盧尚書我所騎驛馬其子遽奉
命柩乃行潛以馬價為營福事其為時重如此

建寧王喪輜不動唐書

代宗大曆三年建寧王倓喪於彭原既至城門喪輜不動帝謂
李泌曰豈有恨邪卿往祭之以白朕意且卿及知倓艱難定策
者必為挽詞二解追述倓志命挽士唱泌因進酌輜乃行觀者
皆為垂泣

凶年

異常荒歉之歲

關中斛米萬錢晉書

晉惠帝永平七年關中饑米斛萬錢詔骨肉相賣者不禁

群書身

飢民為面鵠形南史

梁武帝大寶元年時江南大飢江揚彌甚旱蝗相係年穀不登
百姓流亡死者塗地父子攜手共入江湖或弟兄相要俱緣山
岳芟實荇花所在皆罄草根木葉為之凋殘雖假命須臾亦終
死山澤其絕粒久者鳥面鵠形俯伏牀帷不出戶牖者莫不衣
羅綺懷金玉交相枕藉待命聽終於是千里絕烟人跡罕見白
骨成聚如丘隴焉

北史卷之四十四是也實於賜文至平河晉錄地千里

都善事

骨如銀收立鑄

畢融對金王交時林蘇科命融於長千里融入柱下與白
及山翠其絲絲入蒼鳥面歸研樹於林樹不出其聲其木
岳受寶符於後五音藝草財木樂燕之賦幾難知命更也
百枚照之及昔金賦父下辭半共入山賦道味其財要對山
飛左帝大寶天平朝以南大腹山財融甚早雖財對平嫌不登

順天高面歸

晉惠帝永平七年關中熾米補萬姓詰骨肉味膏者不禁

群書集事淵海卷之四十七

夷狄門

裔族

夷狄之苗裔世族

西羌出三苗之裔後漢

西羌之本出自三苗姜姓之別也其國近南嶽及舜流四凶徙
之三危河關之西南羌地是也濱於賜支至平河首餘地千里
賜支者禹貢所謂析支者也南接蜀漢徼外蠻夷西北鄰善車
師諸國所居無常依隨水草地少五穀以產牧為業其俗氏族
無定或以父名母姓為種號十二世後相與婚姻父沒則妻後

骨為銀收立綱
畢融對金王交時林蘇科命顯然林曼千里
巫山翠其盤絲久蒼鳥面歸研樹於林對不出
岳艾實許於既五皆藝草財木樂燕之既幾
百枚照亡及昔盤此父下辭半共入山賦道
飛左帝大寶天平朝以南大腹山賦爾甚早
顯財許平嫌不登

晉惠帝永平七年
順天高面歸
晉惠帝永平七年
順天高面歸
晉惠帝永平七年
順天高面歸

群書集事淵海卷之四十七

夷狄門

裔族 夷狄之苗裔世族

西羌出三苗之裔後漢

西羌之本出自三苗姜姓之別也其國近南嶽及彛流四凶徙
之三危河關之西南羌地是也濱於賜支至平河首餘地千里
賜支者禹貢所謂析支者也南接蜀漢徼外蠻夷西北鄰善車
師諸國所居無常依隨水草地少五穀以產牧為業其俗氏族
無定或以父名母姓為種號十二世後相與婚姻父沒則妻後

母兄亡則約娉嫂故國無鰥寡種類繁熾不立君臣無相長一強則分種為酋豪弱則為人附落更相抄暴以力為雄殺人償死無它禁令其兵長在山谷短於平地不能持久而果於觸突以戰死為吉利病終為不祥堪耐寒苦同之禽獸雖婦人產子亦不避風雪性堅剛勇猛得西方金行之氣焉

羌人爰劍為豪後漢

羌無弋爰劍者為秦厲公所執以為奴隸後得亡歸而秦人追之急藏於巖穴秦人焚之有景象如虎為其蔽火得以不死既出又與剽女遇於野遂成夫婦女恥其狀被髮覆面羌人因以為俗遂俱亡入三河間諸羌見其神怪共畏事之推以為豪河湟間少五穀多禽獸以射獵為事爰劍教之田畜廬落種人依之者日益衆羌人謂奴為無弋以爰劍嘗為奴隸故因名之其

後世世為豪

巴郡五姓之族後漢

巴郡南郡蠻本有五姓巴氏樊氏暉氏相氏鄭氏皆出於武落鍾離山其山有赤黑二穴巴氏之子生於赤穴四姓之子皆生黑穴未有君長俱事鬼神乃共擲劍於石穴約能中者奉以為君巴氏子務相乃獨中之衆皆歎又令各乘土船約能浮者當以為君餘姓悉沈唯務相獨浮因共立之是為廩君乃乘土船從夷水至鹽陽鹽水有神女謂廩君曰此地廣大魚鹽所出願留共君廩君不許鹽神暮輒來取宿旦即化為蟲與諸蟲群飛掩蔽日光天地晦冥積十餘日廩君思其使因射殺之天乃開明廩君於是君乎夷城四姓皆臣之廩君死魂魄世為白虎巴氏以虎飲人血遂以人祠焉及秦惠王并巴中以巴氏為蠻夷

君長世尚秦女其民爵比不更

板楯蠻夷之裔 後漢

板楯蠻夷者秦昭襄王時有一白虎常從群虎數遊秦蜀巴漢之境傷害千餘人昭王乃重募國中有能殺虎者賞邑萬家金百鎰時有邑閭中夷人能作白竹之弩乃登樓射殺白虎昭王嘉之而以其夷人不欲加封乃刻石盟要復夷人頃田不租十妻不算傷人者論殺人得以賤錢贖死盟曰秦犯夷輸黃龍一雙夷犯秦輸清酒一鍾夷人安之至高祖為漢王發夷人還伐三秦秦地既定乃遣還巴中復其渠帥羅朴督鄂度夕龔七姓不輸租賦餘戶乃歲入資錢口四十世號為板楯蠻夷閭中有渝水其人多居水左右天性勁勇初為漢前鋒數陷陳俗喜歌舞漢高祖觀之曰此武王伐紂之歌也乃命樂人習之所謂

巴渝舞也

西南夷諸國之號 後漢

西南夷者在蜀郡徼外有夜郎國東接交阯西有滇國北有邛都國各立君長其人皆椎結左衽邑聚而居能耕田其外又有犛昆明諸洛西極同師東至葉榆地方數千里無君長辯髮隨畜遷徙無常自犛東北有茆都國東北有冉駹國或土著或隨畜遷徙自冉駹東北有白馬國氏種是也此三國亦有君長夷洲廼徐福採藥之所 後漢

會稽海外有東鯷人分為二十餘國又有夷洲及澶洲傳言秦始皇遣方士徐福將童男女數千人入海求蓬萊神仙不得徐福畏誅不敢還遂止此洲世世相承有數萬家人民時至會稽市會稽東冶縣人有入海行遭風流移至澶洲者所在絕遠不

可往來夷洲在臨海東南去郡二千里土地無霜雪草木不死
四面是山谿人皆髡髮穿耳女人不穿耳土地饒沃既生五穀
又多魚肉有犬尾短如麝尾狀此夷舅姑子婦卧息共一大牀
略不相避地有銅鐵唯用鹿格為矛以戰鬪摩礪青石以作弓
矢取生魚肉雜貯大瓦器中以鹽鹵之歷月餘日仍啖食之以
為上肴也

夜郎姓竹後漢

夜郎者初有女子浣於澗水有三節大竹流入足間聞其中有
號聲剖竹視之得一男兒歸而養之及長之有才武自立為夜
郎侯以竹為姓見華陽國志武帝平南夷為牂柯郡夜郎侯迎降天
子賜其印綬後遂殺之夷獠咸以竹王非血氣所生求為之後
牂柯太守吳霸以聞天子乃封其三子為侯死配食其父今夜

郎縣有竹王三郎神是也

西南夷滇王之國後漢

滇王者莊蹻之後也漢武帝元封二年武帝平之以其地為益
州郡割牂柯越巂各數縣配之後數年復并昆明地皆以屬之
此部有池周回二百餘里水源深廣而末更淺狹有似倒流故
謂之滇池河土平敞多出鸚鵡孔雀有鹽池田漁之饒金銀焉
產之富人俗豪怙居官者皆富及累世

滇中胡大月氏之別後漢

滇中月氏胡其先大月氏之別也舊在張掖酒泉地月氏王為
匈奴冒頓所殺餘種分散西踰葱嶺其羸弱者南入山阻依諸
羌居止遂與共婚姻及漢驃騎將軍霍去病破匈奴取西河地
開滇中於是月氏來降與漢人錯居雖依附縣官而首施兩端

其從漢兵戰鬪隨執強弱被服飲食言語略與羌同亦以父名
毋姓為種其大種其七勝兵合九千餘人分在湟中及令居又
數百戶在張掖號曰義從胡漢靈帝中平元年與北宮伯玉等
反殺護羌校尉冷徵金城太守陳懿遂寇亂隴右焉

槃瓠犬種後漢

南蠻者昔高辛氏有犬戎之寇帝患其侵暴乃募天下有能得
犬戎吳將軍頭者購黃金千鎰邑萬家妻以女時帝有五色毛
狗曰槃瓠魏略曰高辛氏有老婦居王室得耳疾挑之乃得物
大如葡萄人處瓠中覆之以槃戲頃化為犬其文五
色因名下令之後槃瓠遂銜人頭造闕衆怪而診之乃吳將軍
首帝喜而計槃瓠不可妻以女又無封爵之道欲報而未知所
宜女謂帝下令不可違信因請行不得已乃以女配之槃瓠負
女走入南山石室中險絕人跡不至今廣州是也於是女解去衣

裳為僕鑿之結著獨力之衣帝悲思之遣使尋求輒遇風雨震
晦不得進後生六男六女其後因自相夫妻織績木皮好染五
色衣服製裁皆有尾形其母後歸以狀白帝於是使致諸子衣
裳班蘭語言侏離好入山帝賜以名山廣澤號曰蠻夷今長
沙武陵蠻是也

吐谷渾分立西夷晉書

西戎吐谷渾慕容廆之庶長兄也其父涉歸分部落一千七百
家以隸之及涉歸卒廆嗣位而二部馬鬪廆怒曰先公分建有
別柰何不相遠離而令馬鬪吐谷渾曰馬為畜耳鬪其常性何
怒於人乎別甚異當去汝於萬里之外矣於是遂行廆悔之遣
其長史史那樓馮及父時耆舊追還之吐谷渾曰先公稱卜筮
之言當有二子克昌祚流後裔我卑庶也理無並大今因馬而

別殆天所啓乎諸君試驅馬令東馬若還東我當相隨去矣樓
馮遣從者二千騎擁馬東出數百步輒悲鳴西走如是者十餘
輩樓馮跪而言曰此非人事也遂止

吐谷渾葉延尊祖晉書

吐谷渾氏葉延性沉毅好問天地造化帝王年曆司馬薄洛鄰
曰臣等不學實未審三皇何父之子五帝誰母所生延曰自義
皇以來符命玄象昭言著見而卿等面牆何其鄙哉語曰夏蟲
不知冬冰良不虛也又曰禮云公孫之子得以王父字為氏吾
祖始自昌黎光宅於此今以吐谷渾為氏尊祖之義也

侏儒國人長四尺

南史

侏儒國人長四尺又南有黑齒國裸國去倭四千餘里船行可
一年至又西南萬里有海人身黑眼白裸而醜其肉美行者或

射而食之

久閭氏後為蠕蠕

北史

蠕蠕姓郁久閭氏始神元之末掠騎有得一奴髮始齊眉忘本
姓名其主字之曰木骨閭木骨閭者首禿也木骨閭與郁久閭
聲相近故後子孫因以為氏木骨閭既壯免奴為騎卒穆帝時
坐後期當斬亡匿廣漠谿谷間收合逋逃得百餘人依純突隣
部木骨閭死子車廐會雄健始有部衆自號柔然後魏太武以
其無知狀類於虫改其號為蠕蠕

高句麗立國

北史

高句麗其先出夫餘王嘗得河伯女因閉於室內為日所照引
身避之日影又逐既而有孕生一卵大如五升夫餘王棄之與
犬犬不食與豕豕不食棄於路牛馬避之棄於野衆鳥以毛茹

之王剖之不能破遂還其母母以物裹置暖處有一男破而出
及長字之曰朱蒙其俗言朱蒙者善射也天餘人以朱蒙非人
所生請除之王不聽命之養馬朱蒙私試知有善惡駭者減食
令瘦驚者善養令肥夫餘王以肥者自乘以瘦者給朱蒙後狩
于田以朱蒙善射給之一矢朱蒙雖一矢殪獸甚多夫餘之臣
又謀殺之其母以告朱蒙朱蒙乃與焉達等二人東南走中道
遇一大水欲濟無梁夫餘人追之甚急朱蒙告水曰我是日子
河伯外孫今追兵垂及如何得濟於是魚鼈為之成橋朱蒙得
度魚鼈乃解追騎不度朱蒙遂至普述水遇見二人一著麻衣
一著衲衣一著水藻衣與朱蒙至統升骨城遂居焉號曰高句
麗因以高為氏

百濟立國北史

百濟之國蓋馬韓之屬也出自素離國其王出行其侍兒於後
姪娘王還欲殺之侍兒曰前見天上有氣如大鷄子來降感
有娠王捨之後生男王置之豕牢豕以口氣嘘之不死後徙於
馬蘭亦如之王以為神命養之名曰東明及長善射王忌其猛
復欲殺之東明乃奔走南至淹滯水以弓擊水魚鼈皆為橋東
明乘之得度至夫餘而王焉初以百家濟因號百濟

曰陸眷招誘疆盛北史

徒何段就陸眷出於遼西其伯祖曰陸眷因亂被賣為漁陽烏
丸子大庫辱官家奴諸大人集會幽州皆持唾壺唯庫辱官無
乃唾曰陸眷口中曰陸眷因咽之西向拜天曰願使主君之智
慧祿相盡移入我眼中其後漁陽大饑庫辱官以曰陸眷為健
使將人詣遼西逐令招誘亡叛遂至疆盛

單于女就狼 北史

高車蓋古赤狄之餘種也初號為狄歷北方以為高車丁零其語略與匈奴同而時有小異或云其先匈奴甥也其種有狄氏素訖氏斛律氏解批氏護骨氏異奇斤氏俗云匈奴單于生二女姿容甚美國人味以為神單于曰吾有此女安可配人將以與天乃於國北無人之地築高臺置二女其上曰請天自迎之經三年其母欲迎之單于曰不可未徵之間耳復一年乃有一老狼晝夜守臺嗥以因穿臺下為空穴經時不去其小女曰吾父處我於此欲以與天而今狼來或是神物天使之然將下汝之其姊驚曰此是吾生無乃辱父母妹不從下為狼妻而產子後遂滋繁成國故廿二人好引聲長歌又似狼嗥無都統大帥嘗種各有君長為性在野猛獸類同心至於寇難翕然相依闕無行

陣頭別衝突乍出七人不能堅戰

突厥狼 北史

突厥本平涼雜胡也阿史那氏魏太武帝滅沮渠氏阿史那以五百家奔蠕蠕山居金山之陽為蠕蠕鐵工金山形似堯登借號堯登突厥突厥因以為號又曰突厥之先出於索國在匈奴之北其部落大人曰阿謗步兄弟七十人其一曰伊質泥師都狼所生也阿謗步等性並愚癡國遂被滅泥師都既別感異氣能徵占風雨娶二妻云是夏神冬神之女一孕而生四男其一變為白鴻其一國於阿輔水劍水之間號為契骨其一國於處折水其一居跋斯處折施山即其大兒也山上仍有阿謗步種類並多寒露大兒為出火溫養之咸得全濟遂共奉大兒為主號為突厥即納如可六設也都六有十妻所生子皆以母族姓

阿史那是其小妻之子也都六死十母子內欲擇立一人乃相率於大樹下共為約曰向樹跳躍能最高者即推立之阿史那子年幼而跳最高阿史那子遂奉以為主號阿賢設此說雖殊終狼種也

突厥北史

突厥者其先居西北海之右獨為部落蓋匈奴之別種也姓阿史那氏後為隣國所破盡滅其族有一兒年且十歲兵人見其小不忍殺之乃剛足其臂棄草澤中有牝狼以肉餌之及長與狼交合遂有孕焉似王聞此兒尚在重遣殺之使者見在狼側并欲殺狼於時若有神物投狼於西海之東落高昌國西北山山有洞穴穴內有一下壤茂草周迴數百里四面俱山狼匿其中遂生十男十男長以託妻孕其後各為一姓阿史那即其一也

最賢遂為君長故牙門建狼

示不忘本也

北狗國男狗女人五代史

北狗國人身狗首長毛不衣手搏猛獸語為犬嗥其妻皆人能漢語生男為狗女為人自相婚嫁穴居食生而妻女人食云嘗有中國人至其國其妻憐之使逃歸與其筋十餘隻教其每走十餘里遺一筋狗夫追之見其家物必啣而歸則不能追矣其說如此

匈奴諸部五代史

奚本匈奴之別種當唐之末居陰涼川在營府之西幽州之西南皆數百里有人馬二萬騎分為五部一曰阿耨部二曰啜米部三曰粵質部四曰奴皆部五曰墨訖支部後徙居琵琶川在幽州東北數百里地多黑羊馬趨前蹄堅善走其登山逐獸下上

如飛

的斤祖系至傳交州元史

王倫的斤祖名不可罕無父母乃樹癭中生土人養既長尊為君傳至的斤三十餘君矣嘗數與唐人相攻戰久之議和親以息民罷兵於是唐以金蓮公主妻的斤之子葛勵的斤居和林其地有山曰天哥里于答哈言天靈山也南有石山曰胡力答哈言福山也唐使與相地者至其國曰和林之盛疆以有此山也蓋壞其山以弱其國乃告諸的斤曰既為婚姻將有求於爾其與之乎福山之石於上國無所用而唐人願見的斤遂與之石大不能動唐人以烈火焚之沃以醲醋其石碎乃輦而去國中鳥獸為之悲號後七日王倫的斤卒灾異屢見民弗安居傳位者又數亡乃遷於交州

高昌國主樹癭而生元史

巴而米阿而忒的斤亦都護亦都護者高昌國主號也先世居畏兀兒之地有和林山二水出焉曰秃忽刺曰薛靈哥一夕有神光降于樹在兩河之間人即其所而候之樹乃生癭若懷妊狀自是光常見越九月又十日而樹癭裂得嬰兒者五土人收養之其最稚者曰不可罕既壯遂能有其民人土田而為之君長

異相

夷狄人有奇異生相者

龍伯國長人有壽事文類聚

龍伯國人長三十丈生萬八千歲而死

高壽

夷狄有高年者

鮮卑老奴魏書

并州刺史畢軌送漢故度遼將軍范明友鮮卑奴年三百五十

歲言語飲食如常人時京邑有一人失其姓名食喫無十許人

被縣令故舊傳供食之一二年中一鄉中輒為之儉時太原

事不知也視其家上樹木可三十歲不知此婦人三十歲常生

遜讓

夷狄有能讓立者

突厥叔姪讓立北史

隋文帝時突厥匈奴沙鉢略卒初攝國以其子雍虞閭性懦遣

令立其弟葉護虞羅侯雍虞閭遣使迎虞羅侯將立之虞羅侯

曰我突厥自木杆可汗來多以弟代兄以庶奪嫡失先祖之法

不相敬畏汝當嗣位我不拜汝也雍虞閭又遣使謂虞羅侯

曰叔與我父共根連我是枝葉寧有我作主令根本反同枝

葉願叔勿疑相讓者二十六虞羅侯竟立是為葉護

忠義

盡忠合義於本國者

渾邪蘇尼失俱死唐書

唐太宗貞觀八年頡利死贈歸義王謚曰荒詔國人葬之從其

禮火尸起冢灞東其丘胡祿達官吐谷渾邪者頡利母婆施之

賸臣也頡利始生以挾渾邪至是哀慟乃自殺帝異之贈中郎

將命葬頡利冢旁詔書侍郎岑文本刻其事于頡利渾邪之

墓碑俄蘇尼失亦以死殉

孝行

夷狄能孝父母者

吐谷渾視連絕遊田 晉書

西戎吐谷渾辟奚死世子視連既立通聘於乞伏乾歸乾歸拜為白蘭王幼庶慎有志性以父憂卒不知政事不飲酒遊田七年矣鍾惡地進曰明公奕葉重光恩結西夏雖仁孝發於天然猶宜憲章周孔不可獨追徐偃之仁使刑德委而不建視連泣曰先王追友于之痛悲情升遐孤雖纂業尸存而已聲色遊娛豈所安也綱維刑禮付之將來臨終謂其子視羅曰我高祖吐谷渾公常言子孫必有興者永為中國之西藩慶流百世吾已不及汝亦不見當在汝之子孫輩耳

葉延縛草報父讎 北史

吐谷渾吐延被羌酋婁聰所殺有子十二人葉延少而勇果年十歲縛草為人號曰女聰每旦輒射之射中則嗥叫泣涕其母曰讎賊諸將已屠膾之汝年小何煩朝朝自苦葉延嗚咽若不自勝吞母曰誠知無益然罔極之心不勝其痛性至孝母病母三日不食葉延亦不食頗視書傳自謂曾祖奕洛韓始封昌黎公吾為公孫之子按禮公孫之子得以王父字為氏遂以吐谷渾為氏焉

視連絕宴 北史

吐谷渾葉延死子碎奚立性淳謹三弟專權碎奚不能制諸大將共誅之奚憂哀不復攝事遂立子視連為世子委之事號曰莫賀郎華言父也奚遂以憂死視連立以父憂思不遊娛酣宴十五年